

T 5422 73263

~~5428/3263~~

6

6

玉茗堂全集

臨川義仍湯顯祖著

詩

五言絕句

秋江

暝色際江海懷人春望來
瀾瀾波月散颯颯漁
火開

哈佛大學
圖書館
珍藏
印

偶成

鴈影金河盡梅花玉管催江南望春色獨上鳳
凰臺

遷祠部拜 孝陵

寢署三年外祠郎初報聞臣心似江水長遶孝
陵雲

聞 聖躬調御有感

帝母親調藥千官想御門鍾陵無限色今日聖
皇孫

送汪主客

酒寒湏別君燈火欲紛紜今夜籬門月殘年江
上雲

上巳日遊牛首登寶塔

天闕雲霞起吳都烟海迴凌風飄綠袖招得幾

人來

又登文殊閣

漢京
花岩藏地古珠塔湧樓平何似登龍首居然俯

上巳後二日遊幽棲寺

幽棲
百日齋初過三春綠已齊披雲眠佛窟殘屐到

遊獻花岩芙蓉閣

木末芙蓉出花岩草樹齊陵高諸象北江白數
峰西

佳鷺峰寺曉起同夏正之

拂衣蒼翠堂雲光滿虛闥後臺臨雨花前亭生
木末

曹溪

以下多
嶺南作

詩

熱海行難到黃梅渴未沾無因四千里分取一杯甜

子篙灘

落日從中桂烟霏生暮寒山含濛濛驛波瀉月華灘

凭頭灘

南飛此孤影篙峭行人稀鳥口灘邊立前頭彈

子磯

瀉灑灘

瀉灑英州路中藏彈子村澄潭疊屏嶂巉絕兩

天門

觀世洞

在韶河

山似普陀小人依大士清洞中金碧響門外摘篙聲

翻風燕灘

掠水春自驚遶塘秋不見漠漠浪花飄一似翻
風燕

浪石灘

雨濕湏陽暮風鳴浪石寒鷗鷁飛不起橫過釣
絲灘

大廟峽

縹緲香爐峽雲祠山翠中蠻歌聽不見叢竹暮

江風

登飛來寺右絕嶺

極目縹旛外飛峰并欲翻日光榕樹嶺青色大
蓮村

迴岐驛

寺遶飛來興江流清遠思五羊從此去定是不

迴岐

五羊驛

五色紛何異蒼茫白石間不見騎羊子手持香
穗還

廣城二首

臨江喧萬井立地湧千艘氣脉雄如此由來是
廣州

題小雪後人在廣州迴不道雷陽信真成寄
落梅

湛林

昨夜騎羊驛今朝鹿步來百年無湛子閒殺釣
魚臺

惜東莞祁生

誰能意氣淺偶爾烟花深今日羅浮子來傷江

海心

答崔子玉明府朱明洞相遲不至二首

玉洞憑高枕朱陵坐欲曛羅浮窺日蚤還待躡
飛雲

到門反景薄極望青霞開海上神仙令能遊仙
尉來

至月朔羅浮冲虛觀夜坐

夜酒朱明館參星倚戶開梅花須放蚤欲夢美
人來

羅浮上簾泉避雨蝴蝶洞遲南海崔子玉

不至四首

朱陵雲欲冷白石歲將淹風雨看今夕懸泉始

上簾

老人峰可接洞裏吹雲葉只是雨花飄片片成

蝴蝶

洞中隱風雨夢蝶愁飛舉美人濕不來暗與梅
花語

老人雲忽聲森冥雨氣遠風色上簾泉留連下
山晚

番禺江上七日長至二首

珠海半輪月炎州玉管灰江關問行旅還被一

陽催

不能趨舞蹈聊自展衣冠日影隨南至天心向
北看

南海浴日亭拜長至二首

孤臣遙浴日滄海亦書雲願得扶桑影年年奉

聖君

五拜晴雲北連呼萬歲三愛日逢南至波臣亦

至南

夜坐東倪司理時恤刑在廣

丹筆夜良苦寒虫燈下鳴爲官向南斗只合注
人生

至日懷劉允陽太史

合樂清齋夜春墀拜舞餘蒼梧有雲氣太史不

曾書

至日懷鄒爾瞻比部

君從寒谷起我向日南來不知仙瑄裏還有自
飛灰

戲蜀客

西蜀富家女懷清亦有臺文君正新寡那得逐
琴來

恩平中火

海氣層雲盡山煙遠燒浮孤臣隨蚤晚一飯是
恩州

海上雜咏

小聖青種子割雀最知風每歲初春夜高飛鳴
向東

木飯田家女春歌踏和聲火鷄催欲蚤莫聽紅
頭鶯

總不好紙筆男兒生事窮幾畝春欲暮慚愧白
頭翁

耳帶山鷄白微低撫翼聲客窻何處曉海色最
先鳴

不似剪刀尾全無白畫眉愈高飛愈疾愁絕叫
天兒

菁絕瓊西路能言是了哥不教呼萬歲只爲隴

禽多

鳳凰五色小高韻遠徐聞正使蘇君在誰爲黎
子雲

破敵鶴鶉淺爲雄翰羽粗一般藍翠好長鬪白
山呼

北來多喜鵲止是到徐聞海南何得爾能事李
將軍

地多瓊島何年胡燕飛南中少秋色長似趁

春歸

月晦來書鱗脂膏脫滿筐紺花浮凝點犀箸匙

流香

見說臨川港江珧海月佳故鄉無此物名縣古

珠厓

碧樹珀玕石瓏琤金玉聲平生鐵如意愁惜爲

君輕

盆石如花樹嶺岼似假山海雲常此濕莓雨未
湏班

草中決明子夜合葉朝開泥泥春陰雨牛羊蚤
下來

益智何湏智無知樂子枝有花開下節飽食記
年時

俗櫛榔重盈門過禮時銀刀飛寶匣金蒂摩
花枝

不是無鷄翅花梨似降真微香深紫色袖濕酒
盃春

秋色藤花晚青香子欲圓相思不相識紅豆在
君邊

翡翠磯塘曉苔亭草石幽葛衣烟雨裏十月始

宜秋

翁源靈池口號

出震甘泉湧溫香乳玉龍如何兩仙老不作兩
仙童

英德水

濛濛炊烟濕磯頭彈子圓迴帆雙白鳥歌枕一
晴川

卜公冢

寒食秣陵下偶然持一尊同來看花草何意傷
籬門

新歸

畧約新梳洗春衫小坐偏盡看長自好今日鏡
臺前

西池

詩

白鷺低迴疾寒塘秋葉稀
暝煙開雨色飛濕藕
絲衣

黃生去平昌遊廬霍

送汝侵雲嶺孤雲難往還
芙蓉河上去四十七
盤山

過河間題壁留示趙仲一

九河已成陸卑栖猶問津
道心能似此滄海亦

生塵

陽穀店 丁亥

獨來陽穀店遶屋是青山
似有江南色蕭蕭簷
樹間

覲回宿龍潭 乙未

是歲春連雪烟花思不堪
雨中雙燕子今夕是

江南

度廣南峴江至長沙口號

樹慘江雲濕烟昏海日斜
寄言賈太傅今日是
長沙

符離道中

宛宛符離外青山倚復開
長河天子氣飛舞鳳
陵來

河間主人店

提壺醉小鮮春月半窻眠
不分河間女挑燈來
數錢

廣陵偶題二首

歲月隨人去風塵可自如
偶然流淚處翻着舊
時書

忽忽知何意悠悠向此方
怯知新涕淚還是舊
衣裳

呼春鳥口號二首

呼春鳥殘陽到月西不知春欲去還向恨
人啼

呼春春幾時白馬青遊絲不合春能去花間聞
子規

去錢塘別劉季德關叔秀

賓從紛然去主人難自懽錢塘秋八月潮上欲

寒

鴈山大龍湫

坐看青華水長飛白玉烟洞簫吹不去風雨落
晴天

鴈山迷路

借問採茶女烟霞路幾重屏山遮不斷前向剪
刀峯

鴈湫白雲菴

飄搖白石梯試躡蒼龍背風雨隱寒岩孤清白
雲內

廣陵有贈

儂住曲江臺臺門一點開蛾眉今夜淺斜月剪
江來

丁酉三月平昌率爾口號

故人
明長蕩女杯開冷水春一倍登臨處青山如

千山一酒樓伐木下長流一笑游龍縣爲龍向
此游

答龍凌玉痛蘧兒

去歲復茲日羈羸不可招盤珠空感咽無淚濕

龍綃

滇陽峽

窈窕香爐峽玲瓏臯石山翠禽迴浪急玄狖接
峰間

峽山上七里白泡潭爲易名紺花

樹光吹峽雨苔色動江霞泡影非全白沾衣作
紺花

韶石

帝南巡日傳聞此地迴秋風響靈峽還似鳳
飛來

謁帝蒼梧道行歌赤水濱樂昌好鳴磬能待有
心人

五月奏南薰千秋仰白雲可憐簫管韻不得到
徐聞

大聖虛忘味何曾到海涯今朝撫韶石直似見

市華

羅浮夜語憶明德師

夜樂風傳響扶桑日倒流無人憶清淺夫子在

南洲

羅浮飛雲嶺

勾漏杳無人獨自神仙尉海天今夜晴龍門有
雲氣

下飛雲嶺

絕嶺能清嘯下山渾欲愁千山一回首雲氣是
羅浮

青霞洞懷湛公四首

下山興不淺竟作青霞遊一片東樓影參星南
戶流

海蛸窺石冷山鬼被林幽不爲青霞古誰能深

夜遊

發興動心賞懷賢如舊遊海鷄催欲曉漸媿昔
人留

洞壑隨龍氣丹樓寄晚霞千秋好流涕湛子不
爲家

保昌下水

亂石水濺濺綾江下瀨船撐腰過黎壁纔得小

翩旋

打頓

昨夕波羅峽今宵打頓灘獨眠秋色裏殘月下
風湍

九里

九里十三坡沉沉烟翠多釣臺何用築吾自泛
清波

曲江

古驛芙蓉外
煙林晴欲開
曲江秋色晚
木末幾徘徊

夢亭

知向夢中來
好向夢中去
來去夢亭中
知醒在何處

口號戲贈衣正郎

客散紅亭酒
天寒雲月微
何來花燭滿
不照粉

郎歸

雪中同張正郎歸思

憶家
御溝殘雪色
仙署蚤梅花
似少青綾被
爲郎獨

十味

信陵君飲酒
近婦人

魏國乃爲累萬古悲公子世上無神仙英雄如
是死

荆卿所待客不至

所待要爲誰造次入重關壯士有寒聲心知不
復還

陸賈不欲數過諸子

留侯世業外長從赤松子陸生頗經務取適得

如此

通德野田荒草之泣

精靈費常盡事去無好美擁髻一時淚千古傷
心始

馬伏波頗哀老子

熱惱願涼適文淵思少游慷慨旣疇昔危疑安
得休

臧子源爲張超死東郡

討卓氣已震拒袁心更悲但爲所知死寧問所知誰

司馬德操謂龐德公妻子作黍元直欲來
世亂難爲士存身各有致鹿門一輩人未測語
何事

魏王分香

崇易委謝恩愛難銷沉虞歌與戚舞英雄同
此心

謝太傅雅志未遂

四十尚高卧出處非造次爲語西州人舊日東
山意

王逸少覺傷哀樂之致

才盡氣亦盡情事復幾許大勢老人懷難與少

年語

咏懊惱事二首

文宣顧其子機牙噤不施大有可憐人焚香煮藥時

河北拭甄面江東泣麗屍山川半流血此劫爲

臙脂

夜書梅花閣

素月流清墀夜久光如積悠然江海心馮軒此
聞笛

平昌聞右武被逮慘然作

獨有豐城劍千秋氣不銷長平一杯酒還合祭
臯陶

舊日霜臺使今當詔若虛不得飛鳧去相看啼
夜鳥

題溪口店寄勞生希召龍游

穀雨將春去茶烟滿眼來如花立溪口半是採
茶圃

忽忽登樓去長安五度春云何冷水店尚有熱
心人

姑熟病熱同端望虹太學

暮江無斷汲鬱熱自相依一雨能今夕高窗隨

電飛

濕蒸難卧地病渴省談天靜日鳴堦雨藤床一
覺眠

景州董子宅同高拍庄長者

落日窺園處秋光繁露餘不知千歲後誰復亂
吾書

帷開竹林古書掩玉盃閒獨有河間獻英靈時

往還

高唐同計偕嘉興陳公九德午火偶一禿
馬伎人來侑飯陳故盛德士時有故人
守高唐不受謁爲題壁惱之

孝廉方勃宰俗吏敢抑掄卽知無盼子賴是有

綿駒

穆耳自流悅傷神常獨栖定知緜駒唱未及祀

五

盼子在高唐英風此北方無人照千里慚媿夜
珠光

越唱長安道齊趨東郭門不知簪珥夕何處可
留髡

新汲

銅甌受五升青絲三合繩蕩入甌扁裏蓮花發

詩

十三卷

三六

古青

苦瘧問達公

四海難銷熱三焦不煖涼自然心似瘧何處藥
爲王

苦滯下七日達公來

未進紅罌粟徒然青木香精華何處舉留散在
心王

夢于勝地不淨爲苾芻所惱作

一片香巖地兼非行廁時醒來知是夢垢淨竟
何施

醫俗亭同王弘陽大理味

舊日王孫路半曲梁園竹時有會心人勿剪湘
波綠

示數息僧

嘿然成燕坐一日下三千和風定何處空悲長
壽天

看守心施鳥

乞食到人家家家飯煮沙尚餘香積米持施白
烏鴉

吳序憐予乏絕勸爲黃山白岳之遊不果
欲識金銀氣多從黃白遊一生痴絕處無夢到

徽州

西哭三首

一自去長安無心拍馬鞍祗應師在處時復向
西看

大笠覆無影枯藤杖不萌定知非獄苦何得向
天生

三年江上別病餘秋氣恹萬物隨黃落傷心紫

柏西

看西域人繡挂肚

手印從加色娑陀出恨王至今嘗乳處猶是鬱金香

徐聞留別貴生書院

天地孰爲貴乾坤只此生海波終日鼓誰采貴生情

書文中子後

郎主在六經諸公復何有欲以龍門關上擬喪家狗

觀劉忠愍公手筆口占

危言奉天門疾雷擊鴟吻骨肉了無餘銀鈎見忠愍

冬至王江涇舟中送彭直指赴逮

退鷁風初急啼鳥日正寒今朝逢柱後長是髮
衝冠

似有都船獄飛霜一詣臺相逢長至日難道不
然灰

過候彭御史獄所時尚書都堂郎吏次第

在繫傷之

未必關三木曾無授一經年來看貫索多是貴

人星

答劉允陽太史招遊玉笥諸山

嘆世過十載還山纔一年自來高意氣今日始
遊仙

玉笥新行笈金華舊講幃侍臣初采佩天子正
垂衣

香城寺口占時洪都諸老有道術者與豐

城李稠原侍御爭此諷之

卜兆已下策訟言無遠情寸心理不朽何必在
香城

稠原家豐城說有佳地在華山下肯見推
與笑答

道眼久相假仙原能見聞得傷牛斗氣雙棲華
蓋雲

憶耆兒南都

去騎已一月平安還未通驚心前日事流淚向
江東

憶無懷伯宗

抗壯成三友擢藏見一翁吞聲九泉下流淚寸
心中

贈龍君揚公子凌玉太和

江上見龍駒金鱗照紫虛龍門開日日何得尚
爲魚

快閣一中酒淋漓醉墨花池亭開示客秋影見
龍蛇

龍門低夕照一柱遠擎天見說孟中好還須惜
少年

麗水堰堠同呂紹檣王良聘呂汝謫史呂

紀後乃云與時貴銀臺使通籍王先人
某進士死于孝及之

堰堠響崖谷懸流松栝清千秋想盤礴何知世
上名

王生氣沉俠世外誰知已風雨不出山吞聲堰
堠水

楚江四時

詩

波沱楊柳絲崖氣隱天碧好風吹雨來及此歸
舟夕

莎淺碧潏潏遠晴山翠新輕波蕩柔櫓江暖最
宜人

水痕落空碧紅樹颯披離一種臨風意秋江晚
渡時

積雪滿槎枒晦此江山色漠漠漁樵人相望不

相識

野意

野照紆寒碧林煙上夕陰終朝采瑤草不是楚
人心

有贈

似笑玲瓏語如啼宛轉歌亦知春色少偏作暮
情多

偶題

世路尋常見心期次第過一般花月好祇是恨人多

山陰劉冲倩粵行祈子口號

自昔遊光孝波羅樹色青君行宜折取歸種小

蘭亭

燈曾韻和山子

淚凝芙蓉錦心銷蓮蕊燈一春何處好還道去春曾

露葉驚寒鳥紗窻宿夜燈卽知花事蚤心性爲誰曾

月露紛來下菱歌欲暮燈容華江上晚消息幾人曾

睡眠驚阿姊坐起半帷燈只似年時夢幽思說

未曾

哭婁江女子 有序

吳士張元長許子洽前後來言婁江女子俞
二娘秀慧能文詞未有所適酷嗜牡丹亭傳
奇蠅頭細字批注其側幽思苦韻有痛于本
詞者十七惋憤而終元長得其別本寄謝耳
伯來示傷之因憶周明行中丞言向婁江王

相國家勸駕出家樂演此相國曰吾老年人
近頗爲此曲惆悵王宇泰亦云乃至俞家女
子好之至死情之於人甚哉

畫燭搖金閣真珠泣繡窻如何傷此曲偏只在
婁江

何自爲情死悲傷必有神一時文字業天下有
心人

癸卯秋宿鍾陵玉嶺公館兒開遠年十六
侍憶予弱冠時過此初移竹置館焉

種竹此何地秋深玉嶺塵暫令車馬客來夢竹
林人

雲生玉嶺路風遶石壇秋賴此青青色長看小
鳳遊

半牕通月色一榻掃眠雲玉嶺多鳴玉瀟瀟是

此君

重遊三十載向昔未成林今日青葱色空傷雲
漢心

青閣

明月下青閣遲懽心所娛鳴笙松檜間細與流
風俱

偶嘆

詩

偶向交衢立長風吹我襟不知來往客終日是
何心

蓮池墜簪題壁 有序

予庚午秋舉赴謝總裁叅知餘姚張公岳晚
過池上照影搔首墜一蓮簪題壁而去庚寅
達觀禪師過予于南北部鄆南臯郎舍中曰
吾望子久矣因誦前詩三十年事也師爲作

館壁君記甚竒今春五臺僧樂愚來乞文復
棲賢寺修墜簪之約予病苦恐未能觀厥成
感激悲涕是用存其少作奉爲來因云爾

搔首向東林遺簪躍復沉雖爲頭上物終是水
雲心

橋影下西夕遺簪秋水中或是投簪處因緣蓮
葉東

四阿羅漢口號

月下了殘經

明暗自一時未斷言語路
智爾月中人下來
文句

雪剝

一法不可作煩惱不得絕
正好日通紅落盡刀

山雪

龍

鉢小龍亦小龍大鉢即大若作小因緣終成陰
器界

伏虎

有勢莫使勢有智莫使智遭際此痴
佛事

黔中客有遺

詩

見說南中苦吹沙畏射工何來閨閣裏得有九
香蟲

坐故椅懷揚州蕭成芝

念年斑竹椅寒色映瓜州坐客蕭然遠懷來清
淚流

送客九江有謁

候雁三春盡晴雲九疊開祗應湓口月曾見白

公來

題租曆後

欲歛東臯稅湏清南畝菑獨笑陶彭澤持籌寫
簿時

佃客題名滿倉塵漬墨深了無江海意真有稻
梁心

擇日裝新曆逢年慶濁醪老蒼教落墨庄客對

揮毫

報國將爲報傳家足此傳今朝外史氏宜書大有年

銀俵詩

有序

予友朱元芳詩其宗人家閩邵汀山路中得
窖金銀器歸忽忽穢甚不可禁且小口時有
瘧厥長老云是流賊窖金時常困造一人至

求死不得約之曰爲我守窖否其人應許復
苦之如是數四應許畢之窖中遇金者祭度
而後可朱氏如教上章曰汝爲賊守久當我
得此金度汝命已而穢淨病已朱氏用富有
中表周氏遇此度之終不能得也反其金窖
中嗟夫人之於人也豈不甚哉昔聞虎俵茲
爲作銀俵詩

死仇爲仇守俵爾何其愚試語穴金人此術定
何如

爲連城道人口占

白石何當煮藍田未許漿但服雲霞氣生身有
玉光

答客

富貴不可知年壽何須問但無少婦緣粗有老

人分

摘白

側室了無與聊取世眼黑今朝好日辰鏹此一
莖白

負負吟

有序

予年十三學古文詞于司諫徐公良傅便爲
學使者處州何公鏗見異且曰文章名世者

必子也爲諸生時太倉張公振之期予以季
札之才婺源余公懋學仁和沈公楠金承異
識至春秋大主試余許兩相國侍御孟津劉
公思問總裁餘姚張公岳房考嘉興馬公千
乘沈公自邠進之榮伍未有以報也四明戴
公洵東昌王公汝訓至爲忘形交而吾鄉李
公東明朱公試羅公大紘鄒公元標轉以大

道見屬不欲作文詞而止睠言負之爲志愧
焉

少小逢先覺平生與德隣行年踰六六疑是死

陳人

癸丑四月十九日分三子口百

分器不分書聊以惠羣愚分田不分屋聊以示

同居

得吉水劉年侄同升書喟然

悽然來問病滿紙不勝情異日西州動餘生識
晉卿

文情不厭新交情不厭陳能存先昔友留示後
來人

送李孺德

何日承凶問君來自吉州可憐總帷客不作錦

少遊

我自慟吾親因君倍愴神十年師弟子千古吉
州人

送徐婿德胤

宛爾東海彥快此中山婿百歲俯鸞凰千秋仰

騏驎

拜門來問病相見卽依依安得仙人杖乘龍見

汝歸

病中喚主人翁

尋常作使汝不容宅中立今日喜翁歸作使亦何益

貧老嘆

一壽二曰富常疑斯言否末路始知難速貧寧速朽

訣世語

有序

僕老矣幸畢二尊人大事苦塊中發疾彌留已不可起慎終之容仍用麻衣冠草履以襲厝二尊人之側庶便晨昏恒見達人返虛俗禮繁窒怪之恨之恐遂溘焉先茲乞免遂成短絕用寄哀鳴

一祈免哭

生平畏聞哭聲兒女孝敬自有至性不可強
也慎無倩哭成禮

善哭已無取佞哀非所懷帷宮都過密偏覺有
餘哀

一祈免僧度

僧舊在門下者無煩俗七兒輩持半偈齋僧
念心經數週足矣

便作普度事都無清淨僧灑水奉心經聊爲破
暗燈

一祈免牲

肉食而鄙六十七年於斯矣殺業有徵報何
所底每見牲奠腥污塗藉大非清虛所宜乞
哀媼遊幸免牲命止求蔬水見遺非徒省穢
存潔亦大爲鄙人資冥福也更煩屠宰到門

不預乞免者子爲不孝

豕首高刺天羊子隨墮地何當鬼鬼前作此不

淨事

一祈免冥錢

奠者楮幣相見無煩金銀山錠等物

生不名一錢自分作窮鬼峩峩金銀山不如一

端綺

一祈免奠章

人生而僞聞譽則悅既反而真聞諛則赧往

見奠章誇揚爛熳長跪高誦兩爲失體竊不

自揣代中表門生預爲數語無煩登軸第書

素紙奠畢焚之殊覺雅便萬乞俯從

維某年某月日某某祝曰惟靈歸虛返真

顧在知遊良深悲悼茲陳素筵附於蘭菊

詩

十三卷

巽

用妥靈心嗚呼上饗

不煩奠者苦我代作斯文昨日已陳迹今日復何云

一祈免崖木

化者須材沙木堅厚爲度崖不足眩也至囑

至囑

千禱同一上隨宜集沙板闊崖無厚質虛花誑

人眼

一祈免久露

地形取遠所忌無久留

世故不可測隨在便安置供問問地上人安知地

中事

忽忽吟

此苦次絕筆在丙辰夏杪望日

望七孤哀子煢煢不如死合口笑侍堂房班衰拂

嘯

詩

此詩不可不讀
此詩不可不讀
此詩不可不讀
此詩不可不讀
此詩不可不讀

一而良人靈

入册

隨宜集沙板閣崖無厚質虛花

玉茗堂全集

臨川義仍湯顯祖著

詩

七言絕句

黃金臺

昭王靈氣久疎蕪今日登臺弔望諸一自崩生
流涕後幾人曾讀報燕書

詩

十四卷

池陽城南

池南三十六青峰
暗與青華色氣重
日暮烟空片霞起
江光飛滿石門松

送趙大歸齊

石林風雨樹蕭蕭
鳴鴈秋生江上潮
何待三馬華不注
歸心如海白雲遙

送秦次君之汴

朝雲鄣日望南洲
一曲蘭歌清漢流
爲過雙溝莫留悵
月明無限吹臺秋

別梅固安

黃村別徑曉塵輕
仙令梅生出送行
薄暮離離向汾水
白溝河上遶秋聲

送陸生遊齊

涉江送子芙蓉菴
楊柳春行綠影潭
東去青

莫惆悵濟南山水似江南

送鄭午陽之文登

爲赴東華碧海期
紫藤高髻獨行時
只應自
崑崙影白玉臺前映九池

豫章送何貞長遊岳州

平江仙女接陽臺
龍影連雲日幾迴
爲憶故山
芝草長一羣鸞鶴聽歌來

武進道中

迎春鄉曲影晴湖
苦竹西青接伴奴
總爲遊人
俊鞍馬貪看忘落髻心珠

梁溪

橫山斷尾若龍蹲
烟雨平蕪勢獨尊
日暮花溪
泛桃水太湖西去有雙門

宜興道中

金沙的的濺紅顏笑插桃花飄鬢鬟遙見隔林
人喚語陌頭回望小心山

逢賣玉者

萬里于闐片玉輪到來連日價傾都安知幾歲
金臺下卞子無緣似賈胡

憶丁右武關西

西昆瞰霧隱岷山爲聽波聲幾歲還羌笛梅花

戍樓裏可堪春色對吳關

看賈胡別

金釵擊鼓醉豪呼桂樹高樓啼夜鳥不信中秋
月輪滿年年海上看明珠

津西晚望

西津西望綠冥蒙流水花林秋映空三峰忽自
飛靈雨凌亂金光日氣中

送文生九谿

錦袍沾濕醉春殘
細雨梅時江上寒
南北武陵真不遠
何人生入荔枝灘

王小坏去溧陽

陽羨山光春氣流
平林東望曲壇幽
卽知金碧明湖上
烟雨能開大小浮

秀州

雨濕松陵春滿烟
杏花榆莢映新田
不知何處唱歌好
東柵平湖日夜船

金竹

村鼓壇神六日招
豚肩斗酒去安苗
兒童逐手爭拋食
社長分頭看插標

新林浦

凌陽浦里襍花生
曉屋鳴鳩春樹晴
昨夜南溪

足新雨轆轤原上踏歌聲

青陽道口

博山橋上晚烟吹花氣晴雲煖石池解道青陽
人易老道傍仙冢故壘纍纍

宿鍾樓尖

百丈天花散伏龍青寒殘日映孤踪松杉半拂
歸雲洞錦繡全開待月峰

赤鑄山

于將昔此鑄芙蓉風雨千秋石上松借問閭門
騰虎氣何如江上鎮蛟龍

夢日亭

曾借君王七寶鞭湖陰絳氣屬晴天如今畫地
連江海祗合長安夢日邊

采石化城寺

詩

滄波雲氣結樓臺采石金陵相映開一朶青蓮
留夜宿諸天水月照人來

穀池店

清弋秋江接賞溪賞心人望竹園西青衫草色
兼晴雨白蕩開花山鷓啼

庚辰再過南陵懷林明府

梅花白石映春林綠水漳陵思憶深別後何人

見秋浦娟娟殘月下城陰

望華亭夕

華嶺懸泉下飲猿六池秋色映梅根今宵滅燭
華亭上可是前身水月寬

魚龍洞

青城百里洞仙家坐起西南九片霞日氣玲瓏
洲渚色綠魚青鳥白蓮花

九華

滴翠峰前天柱高雲門清蘸發仙
任海
上

金輪月夜夜神光起白毫

花塘答蘇青陽

山石嶺矇矓烟雨初龍池風色散花餘遊人自惜
三春草仙令裁飛玉色魚

望春

除日迎春春吹開鳳凰今作望春臺氤氳淺色
含香芷簌簌浮寒動蚤梅

廣陵夜

金燈颯颯夜潮寒樓觀春陰海氣殘莫露鄉心
與離思美人容易曲中彈

病酒答梅禹金

青樓明燭夜歡殘醉吐春衫倚畫闌賴是美人

能愛惜雙雙紅袖障輕寒

答龍郡丞

楚江春雨入東吳公子名園興不孤
竹裏紅魚遊聽曲花間玉女笑投壺

江宿

寂歷秋江漁火稀起看殘月映林微
波光水鳥驚猶宿露冷流螢濕不飛

青陽道中

溪山雲影杏花飄衫袖凌風酒色消
數道松杉殘日裡春深立馬望華橋

溧陽洞山

瓦屋如雲春作花華陽絳氣屬青蛇
中開百尺仙人掌搖漾金光落紫霞

豫章東湖送客

木葉微波江蚤寒，峩眉秋色醉金鞍。
不煩琴曲驚千里，已看纖腰盡七盤。

南康一夕至東流

秋風菊浦猶殘菊，春雪梅林欲破梅。
星子縣前明月動，仙人湖上白雲來。

與劉東流

湖上仙人綠玉尊，梅潭新月映黃湓。
空江不見

王孫草忘却春深，五柳門

寄葉石埭

仙縣春泉似漢臯，誰家姊妹得仙桃。
今朝水上絃歌發，爲送飛鳧雲漢高。

寄林南陵

日飲朝霞春氣開，陵陽仙令築亭臺。
至今五色丹泉上，猶似吹簫白鳳來。

寄林巴陵

漢西門上月華流灃浦湘君玉佩遊借問仙鳧
何處遠白雲飛滿洞庭秋

莫愁湖

石城湖上美人居花月笙歌春恨餘獨自樓臺
對公子晚風秋水落芙蓉

送人入蜀

隴隴津樹曉帆開簫鼓秋聲遠听回無事江關
卽惆悵劍南猶有望鄉臺

邸報御門有喜

萬年仙曆正朝元至日書雲望至尊見說天人
調御蚤齊趨閭闔待春溫

和王伯臯薄粧含暮景

盡教年少聽笙歌粉署曲臺春恨多最是薄粧

含暮景薰香爐伴要人過

張老別

空江積雨映朝霞歸去吳淞處士家
爛醉莫嫌秋髮改尊前重對玉簪花

卽事

漢家七葉珥金貂不見松陰嘆綠苗
却嘆江陵浪花蕊一時開放等閑消

送陸生從軍薊門二首

鴉鶻盤雲秋氣清香河飲馬暮嘶聲
新穿繡甲花樓子知是潮河第一營

盤山秋影挂盧龍別道烽煙入喜峰
但得轅門能拜將邊牆何用兩三重

寄右武莊浪

蘭州潦遶金城關積石河源星宿閣
沙塞封侯

良自苦男兒一上燕支山

朔塞歌二首

白道徐流過五重青春繡甲隱蒙茸歸驄莫緩
遊鄉口噪鵲長看小喜峰
獨上偏頭笑一回娘娘灘上繡旗開金珠不施
從軍婦順義夫人眼裡來

胡姬抄騎過通渭

渭南兵火照城山十八盤西探馬還似倚燕支
好顏色秋風欲向妙娥關

河州

連峰萬頃接重臺陣洒龍門戰血開積石東頭
懸騎入洮河西畔打鷹來

弔西寧帥

峽石千兵死戰場將軍不敢治金瘡籌邊自有

和戎使閣道無勞問破羗

王莎衣欲過葉軍府肅州

崆峒問道此何時祁連陣影欲參差紅塵自蹴
燕支塞白首高歌王母祠

南華寺二首

和尚坐具幾許闊生龍白象紛來趨西天寶林
只如此上有菩提樹一株

寂寂寶林雙樹寒一花千葉向中安新州百姓
能如此慚愧浮生是宰官

乳源道中

洞壑闌干滴乳源湘州一逕古梅村九仙西北
何靈氣嫋嫋風雲長出門

廣南聞鴈

傳道衡陽有鴈迴炎州片影更飛來似憐遷客

思歸苦爲帶鄉心過嶺梅

小金山次蘇長公韻

夕陽烟雨片江開
灑灑寒潮自去來
我亦枕柳菴下客
明珠海上寄蓮臺

石城弔鄒汝愚

花徑城郭異高涼
海氣昏朝陸祿黃
莫爲三巴愁客死
還須五日過雷陽

徐聞泛海歸百尺樓示張明威

杳磊風煙臘月秋
叅天五指見瓊州
旌旗直下波千頃
海氣能高百尺樓

白沙海口出杳磊

東望何須萬里沙
南溟初此泛靈槎
不堪衣帶飛寒色
蹴浪兼天吐石花

送賣水絮人過萬州

江西水絮白輕微殘臘天南正葛衣見說先朝
曾雨雪檳榔寒落凍魚飛

和宋周太常平昌草堂四詠

鷺洲釣月

冥踏孤舟一釣魚半鈎新玉挂蟾蜍猶憐白鷺
蕭蕭影秋老寒塘獨照渠

白馬樵雲

白馬鞍中畫出雲誰家伐木帶晴曛不應長足
丁丁響時有遷鶯斷續聞

吳臯春作

喚起青牛更莫眠吳臯春雨杏花天他山種樹
能多少留作陶家酒米田

月崑夜讀

君子山房月倍清娟娟憐與讀書明如今更有

閒官燭只聽吾伊三兩聲

和葉可權草堂四詠

平昌

松屋卧雲

樓轉松風韻紫虛眠雲夜冷畫芙蓉
山中所有應如此直是江南陶隱居

竹窻延月

風露娟娟浣竹林月窻秋影夜來深
不知叢桂

山中客長聽瀟湘雲水音

荷亭酌酒

酒是金荷露滴成花如素女步輕盈
西風暮雨何辭醉便向池亭卧亦清

竹嶼烹茶

君子山前放午衙濕烟青竹弄雲霞
澆將玉井峰前水來試桃溪雨後茶

平昌青城山

萬仞飛泉掛石龍
青城如霧洗芙蓉
自非仙令鳴琴出
誰闕秋窻玉女峰

赤壁望浦城

平昌

棲靈岩下碧泉分
石戶天窻時出雲
夜踏仙梯滿霞氣
海光初映武夷君

東梅嶺

平昌

唐山三十六縈迴
透徑如絲雲霧開
獨坐野棠

春寂寂幽香寒雨止
東梅

洞峰

平昌

西行百里洞孤峰
上有龍門常出龍
不知龍出能多少
只看龍湫雲氣重

石門泉

平昌

春虛寒雨石門泉
遠似虹蜺近若煙
獨洗蒼苔

注雲罅懸飛白鶴遶青田

班春二首

今日班春也不遲
瑞牛山色雨晴時
迎門競帶春鞭去
更與春花插兩枝
家家官裏給春鞭
安爾鞭牛學種田
盛與花枝各留賞
迎頭喜勝在新年

黃塘廟

山空流火亂螢飄
池上風清酒氣消
四顧沉林雨初歇
平昌令尹聽吹簫

上巳渡安仁水有憶兩都

泛羽流波芳樹新
船中穩坐唱歌人
可憐三月桃花水
不似千金隄上春

午日處州禁競渡

獨寫菖蒲竹葉杯
蓮城芳草踏初回
情知不向

甌江死舟楫何勞弔屈來

九日登處州萬象山時繡衣按郡

風定烏紗且莫飄蓮城秋色半寒潮黃花向客
如相笑今日陶潛在折腰

送徐吉父長安上書

笑別平昌酒一盃燕昭雲氣築金臺馬頭若見
西山雪莫作山陰半夜回

松遂界石鏡

玉輪江上美人精黃鶴樓西石照明何似松陰
側圓鏡一溪苔蘚暮灘聲

遂昌松陽界萬歲山口號山舊名晚翠趙

康王避金騎所棲

來去山前朝暮霞金光片片石蓮花如今萬歲
山朝北不似南巡望翠華

送客信陽謁何太史

直到三鴉九曲河迴腸一日幾經過萋萋莫向
王孫草恨這關前春恨多

看畫口號

何處三公指向空白頭西笑日東紅三公久視
如相識烏有子虛無是公

送客萍鄉成禮

宜春春酒鳳簫迴暮雨雲朝玉女推歸到筆花
應五色聰明泉上讀書來

讀四十二章經

好是摩騰並法蘭金光輪指爲君彈都拚切盡
跌蓮裏直是中華遇佛難

唐山寺

有序

唐季禪月大師貫休居平昌唐山十四年夢

詩

異人授以寫梵相十八尊者像一像未就異
人教以臨水爲之意師乃此像後身也後大
師去蜀蜀孟氏二女尼欲遊天台師教之唐
山見尊者至則尊者皆現身云
東梅嶺路踐龍蛇似阻天台石蹬霞忽忽雲堂
見尊者紅魚波影白蓮花

廣仁院 有亭

平昌廣仁院佛殿壁有邑人毛會潛畫一婦
乳兒夜有兒啼聲衆怪之一日僧語會笑曰
易耳以筆添乳入口遂絕

曾爲娥眉斬畫師千秋能此畫孩兒自慚遶佛
無飛乳滿縣兒啼似不知

湯書所聞答唐觀察

嶺外梅殘鬢欲星孤琴搖拽越山青只言姓字

人間有那得題名到御屏

縣小河陽花遍開金盤露冷醉人來也知不厭
山公啟解事長虧女秀才

蘭署江南花月新封書纔上海生塵心知故相
嗔還得直是當今丞相嗔

一疏春浮瘴海涯五年山縣寄蓮花已拚姓字
無人識檢點封章得內家

東筦鍾宗望帥家二從正覺寺晚眺讀達

師龕巖童子銘三絕各用韻掩淚和之

不能成聲

天花拂水向城隅八歲西兒瓜髮殊解道往生
成佛子偶然爲父泣遺珠

達公金骨也塵沙萬古彭殤此一家恰是鍾情
渾忘却十年紅淚映袈裟

無情師印有情文
水點軍持滴路墳
止是金環何用覓
月明吹笛逕山雲

帥從升兄弟園上作

宿草春歸幾醉醒
白頭吟望暮山青
思君小閣東園好
棠棣花前看脊鴿

池上青山醉倚門
迴車陌巷小遊園
留連未覺鶯花老
桃李深深更一言

小園湏着小宜伶
唱到玲瓏入犯聽
曲度盡傳春夢景
不教人恨太惺惺

斷霞秋色剪澄江
白鳥晴邀彩筆雙
客去會湏酬一醉
枕欹山雪夜鳴窻

九日聞鍾宗望文昌橋畔思鄉

自作新橋俯碧湍
曾無高客淚闌干
何來嶺外思公子
露泣夫容怨蚤寒

臨水登高秋復秋二從相殢好遨遊不應幾滴
黃花酒杖向新橋作淚流

送宗望

池上新歌遶翠盤石梁斜月帶征鞍初歸嶺外
無炎熱飽向江鄉承露寒
玉茗池頭燈燭光芙蓉清露濕衣裳思君獨向
章門去八月乘槎牛斗傍

何處清光不可留亂帆楓葉最宜秋非因久客
無知己公子年來欲倦遊

每逢相見卽依然公子思歸鴻雁天嶺外夢魂
江上月不堪今夕是離筵

詠楊太宰桃花園圖卷寄右武爾瞻

吏部桃花千樹穠春風春日好顏容亦知鄒子
閒吹律略放丁生一夢松

爲華容宰口號

院院花開春可憐
宮娥湖上看新田
卽今雲夢纔乾土
莫要兒家水面錢

漫書

新箋仔細曾無錄
小論叢殘未擬玄
獵賦韻高雲夢後
騷經注上日中前

戲寄右武

右武將軍入浚稽
戈鋌如雪照天梯
西峰大有蓮花寺
欲夢蘇卿湖水西

平昌河橋縱囚觀燈

遶縣笙歌一省囚
寂無燈火照圓扁
中宵撤斷星橋鎖
貫索從教漏幾星

平昌君子堂

君子堂前煙樹齊
山炊水碓盡橋西
庭中有訟

多蕉鹿市上無誼少鬪鷄

除夕遣囚

平昌

除夜星灰氣燭天
醱酥銷恨獄神前
須歸拜朔
遲三日溘見陽春又一年

甲午秋在平昌夢遷石阡守并爲兒遽夢
得玉床自占石不易阡素床豈秋兆溈
志之

任自成阡玉自牀何來秋夢接雲涼
世間多少
驚蝴蝶長恨莊生說渺茫

乙未計逡二月六日同吳令袁中郎出關
懷王衷白石浦董思白

四愁無路向中郎
江楚秦吳在帝鄉
不信關南
有干甲君看流涕若爲長

丙申平昌迎春曉雲如金有喜

仙縣春來士女前
插花堂上領春鞭
青郊一出
同人笑黃氣三書大有年

石牛渡菴

枕帶河橋傍夕
醺石牛風起過殘雲
不知簷外
千竿雨和夢蕭蕭得此君

平昌射堂戲作

此地懸知獵鳳麟
我來初作射堂新
諸生異日

逢夫子還是彎弓與扣輪

谷轉溪回地脉雄
諸生高宴射堂中
尋常好插
東南箭誰傍秋霄一挂弓

乙未平昌三拜朔矣示館中遊好平昌屬
括蒼常見呼老鵠
鵠云

歲歲書雲色正黃
春山無恙對琴堂
飛鳧又作
朝天去太史應占老鵠鷓

丙申平昌戲贈勾芒神

春到平昌立四年勾芒迎在土牛前也知欲去
河陽宰爲與催花蚤一鞭

丁酉平昌迎春口占

琴歌積雪訟庭開五見春陽鳳曆班歲入火鷄
催種蚤揮花鞭起睡牛山

聞谷南高卿起武岡

年少何須卽挂冠下人無恙繡袍寬扶顏欲闔
丹砂水離夢先過孔雀灘

芳草佳期與夢迴淥波春色照雲開賈生西上
知何日千古沉湘一到來

光熙峰笑東來道者

紫竹林西小白華海天瓔珞散紅霞
恒河欲問東來意千步沙多萬里沙

潮音洞絕粒僧

中時旛影施檀開獨上潮音冷笑回饑飽嶺邊
持一食怕從羅刹口中來

潮音

洞裏潮音一泡多如雷如燄隱波羅蓮花側覆
尋常說今日將身在會陀

盤陀看日出

石上暗飛霜吹入香爐作道場破衲睡來
天鏡曉清輝五色在扶桑

送朝海僧

盡洗凡心莫洗愚海門東去探明珠毒龍正在
波清處便好隨流過鉢盂

湖州事起

大姓常須酒析醒慳恠何意獨爲醒都堂便是

還鄉日執法難爲貫索星

嶺外送客平樂下第

南行三十六灘龍依舊龍門得化龍別有清湘
起愁色踏歌人望九疑峰

香輿逢賈胡

不住田園不樹葉玳珂衣錦下雲檣明珠海上
傳星氣白玉河邊看月光

望鄉哭弟儒祖

腸斷雙親兩鬢花春歸何忍帶烏紗孤飛一歲
喬林曉提着噍噍怕近家

題雙輪走馬燈

篝燈影亂輪蹄一片東征一片西好似咸陽
夕楚騅歸去漢龍嘶

粵裝偶見祁羨仲刀子

瘴來時青氣深七星巖畔寶刀沉交遊半百
一生死燕市悲歌一片心

始興舟中

心墨畫眉春色開有人江上寄愁迴轉風灣底
曾迴燭新婦灘前一味梅

夜泊金匙

涼日蕭蕭懶步灘扁舟黃葉映秋殘叢祠海客

饒歌舞銀筋金匙醉不難

過曲江

去鴈已開梅嶺雪歸舟猶帶海人煙青臯雨過
如鋪粉會是韶陽種乳田

夢譚見日祁羨仲韓博羅區海目如昔時

下第出長安潞河雪舟言別成韻後絕
余和者羨仲拋盞落地愴然罷起覺而

紀之

菰蘆半醉雪花飛
夜起清寒話入微
共道梅關春色蚤
那堪人去直春歸
羅浮見日吐精熒
更直韓區好弟兄
手攬敝貂成一笑
長年風雪此中行
看番禹人入真臘

檳榔船上問郎行
笑指貞蒲十日程
不用他鄉

人離思總無鶯燕杜鵑聲

聽香山譯者

占城十日過交欄
十二帆飛看溜還
握粟定留三佛國
采香長傍九州山
花面蠻姬十五強
薔薇露水拂朝粧
盡頭西海新生月
口出東林倒挂香

嶺南踏踏詞

女郎祠下踏歌時
女伴晨粧教莫遲
鶴子草粘爲面靨
石榴花揉作臙脂

笑倩梳粧阿姊家
暮雲籠月海生霞
珠釵正押相思子
匣粉裁拈指甲花

恩州午火

逐客恩州一飯沾
伏波盤筍見纖纖
炎風不遣春銷盡
二月桃花絳雪鹽

石城送蜀客梧州

春到回龍傍鬱林
亂藤煙月送猿吟
鶻聲莫更逢三月
銷盡同鄉九折心

爲徐聞鄧生懷其尊人靖州

春半黔中花木殷
日斜江上武陵蠻
披衣看取湘雲色
浪楫長歌山外山

徐聞送越客臨高寄家雷水二絕

珠崖如困氣朝昏杳磊歌殘一斷魂但載綠珠
吹笛去買愁村是莫愁村

一曲明珠老會稽客行長憶夜烏啼瓊湖不解
人朝夕半月東流半月西

徐聞熊明府以鷄舌贈別期復爲郎也却

贈

鷄螺盃尖易行酒魚子箋灰難草麻三省郎官

事已往與君吞却沈香花

宗望酒中言別

三秋一日見歸期忍淚河梁步欲遲更向章門

一盃酒暮雲秋色過江時

久客逢秋心易傷新聲還此盡離觴休將半路
梅花嶺夢斷相思玉茗堂

中暑索帥二從燒醢

百尺高樓傲不消，侵風障日卧昭嶢。不應便得清寒病，爲愛連珠麴女燒。

帥從升赴省試，問開遠見何日往。

江外閒題一葉書，紅裙愛子戀何如。章門最近龍門路，未敢爭先八月初。

高要送魯司理

江楚西歸欲問天，瓊雷東斷瘴雲連。留題共醉

屋巖客夢裏，乘槎是此年。

先秋榜一日泊富陽懷吳伯霖

捲帆秋色富春西，雲氣飛來草樹齊。月路曉風飄桂子，吳山先聽海潮鷄。

別達公

說到無生生便降，偶隨船影出章江。西山雨氣朝來捲，不是珠簾是法幢。

歸舟重得達公船

無情當作有情緣
幾夜交蘆話不眠
送到江頭惆悵盡
歸時重上去時船

江中見月懷達公

無情無盡恰情多情到無多
得盡麼解到多情
情盡處月中無樹影無波

離達老苦

水月光中出化城
空風雲裏念聰明
不應悲涕長如許
此事從知覺有情

行千金隄懷蜀人古太守

曾用三屏壓水精
蜀人文雅世清平
年來太守風流盡
分付漁歌與棹聲

聞許伯厚入都

木末寒生水氣清
吳西烟雨最含情
秋風俠骨

雲霄裏河外江南寄一聲

章門客有問湯老送達公悲涕者

達公去處何時去若老歸時何處歸等是江西
西上路總無情淚濕天衣

橋斷臺欹有懷居張二守

居公時有峴山情張老題橋恨不成自有青山
何必爾不妨春水漲行人

關南上橋寺候黃觀察善卿殯不至湯占

催裴詩三首奉呈輓唱諸君子

薤露將晞蚤食前如何報說五更天因風寄與
鷄鳴枕則爲長眠廢短眠

曾是長安花下人懸泉相候一沾巾城南日出
人多少不見黃家開道神

不可攀留夢已殘殯虞歌斷五更寒黃泉咫尺

淹如此得似人間行路難

江樓忽遇楚僧古萍索酒談偈悵然悲之
去雪江前紫柏師清秋重泛古萍誰相看不問
眉毛幾大要精靈下髮時

僧殘猶醉兩三盃千里相過一食回建立已隨
萍水去攀緣還似藥山來

懷貞父長安

御溝晴雪過啼鴉猶自空啣帶粉衙何似與君
沾醉起孤山月下看梅花

寄問費學卿

一片文心與道情五湖風物舊來清當今得似
唐天子九華山前問冠卿

公子乘春興不孤畫眉金縷醉鷺湖經知玉茗
堂中客打迸春心得到無

玉茗堂全集

